

萬善花室文藁

萬善花室文藁卷六

大興方

東流縣志敘錄

代作

昔在先王奠壤析原經土定民分命重黎北正司地故有
綠圖呈瑞中經兆記納賦作貢肇詳夏書職方誦訓列於
周官惟我夫子取百二十國之寶書以成春秋是知三代
以上九州之廣家有其乘國有其史疆理天下若指諸掌
秦漢代降典籍放失至班氏始志地理而陳壽始分三國
下此則華陽國志獨限方隅太康地志初標元號後世所
傳數體略具若一邑成編求其善本惟景定建康之籍宋

氏長安之纂記載詳漏得失相參蓋志之體裁實符乎史
封域陵谷建置興廢災祥政事之紀忠誼偉節循吏名賢
孝子弟弟貞婦淑女之行風俗循賦版籍齋祀之數祠墓
遺蹟詩文謠咏之傳所以彰勸萬民咸和庶政者罔不該
備是以

國家著之憲典命其守土舉偏修墜弗敢荒棄而東流瀕
於大江右襟豫章左系皖口亦四達之邑也某以承乏來
尹是邦咨攷載乘多所闕遺乃討論故實求其原始邑之
有志實始於明正德十五年知縣李渾所輯而教諭謝明
爲之序其序略云云閏五十五年爲萬厯二年知縣陳春

議修之而聘邑人汪文爲撰定其序略云云又閱七十八年爲

國朝順治九年知縣蘇宏謨復創修之其序略云云又閱百有六年爲乾隆二十三年知縣蔣綬又增修之其序略云云時國學教習邑人汪君迴實綜其文方之前志搜討略備然其爲書泛而不該糅而無當繪列虛景反疏疆域之圖條舉細端乃失表志之例好緣飾而不雅標論議而不文考文獻者能無遺憾也哉且志之停修已六十年及今勿輯後將何觀某乃集議重纂商核名例前於耆長僉維余同經始於嘉慶二十有二年秋九月至二十三年夏

五月而志成補偏救亡開幽彰顯治勞所繫雖微必書懲
誘無從雖鉅則削經緯潤澤殫於厥心夫東流之民敦龐
執愿不以豪侈相高服田力疇愛其長上而地隘人疏戶
少儲峙冠蓋風流亞於他邑某之固陋與民相習思以朝
夕噢咻漸摩而化如其禮樂以俟君子若茲志者亦縣蕞
之所由損益之所鏡也凡爲圖五爲表三爲志十有二爲
傳十有二其序曰

聖孕函夏錯陳井封南陬綺疊規茲一同畫壤標原陌絡
阡通四竟是治勉奏爾庸述縣竟圖第一

崇墉翼翼枕乎江流塵肆所藏衣冠所游環繪百雉比屋

康衢興仁交讓爲君子都述城郭圖第二

鳴柝可聞修塍相庇里舍攸繁分綜則易碁羅星布各知其鄉以告遂人以安我氓述鄉鎮圖第三

我瞻宮牆葺廢載新几筵初布俎豆孔陳禮堂寫範享室明禋敬摹榱桷式起彬彬述學宮圖第四

重簾可設荻幃匪陋開閭延賓躋堂稱壽聽政是憩退食是趨仰此庭廡職思其居述縣署圖第五

南唐始名溯梁僑置經以編年緯以大事閱千百載沿革可識述紀事沿革表第一

紆紱佩綬爲百族師僉曰予良行則委蛇亦有哲人勞心

蹇蹇綜緝雖同優絀自顯布武將登能勿黽勉述職官表

第二

珍球輝谷明珠媚川桑梓之華俊又高騫

聖皇側席野無遺賢櫛比鄉達以開爾先述選舉表第三
登彼中阿誕望藩垣湛湛江水膺膺周原爾有坂田黍旣
實之爾有沮洳穀亦殖之疆理名物與眾析之述疆理志
第一

匪巖何時匪澤何停一邱一壑山經海經密峰若屏中江
如帶盤紆地軸靈秀所薈述山川志第二

郵亭官寺郭郭津堤經始有日繕葺有期後有作者毋荒

三時述營建志第三

人浮於田三贏其一計粟納算以供賦役蠲租予復

皇仁瞻卹牧長徵調疇敢煩急述賦役志第四

鴻都雅化膠序成林園橋之士皮弁橫琴文翁巴蜀延壽
淮陰灑掃儒肆悠悠我心述學校志第五

豐年丕登倉廩既盈亦有凶荒以佐饑糧蓋藏敗蝕典守
是責述倉儲志第六

聖以德馭不禁五兵警衛夙設斥埃禁明烽泥集燕角帳
巢鷺有備無患斯焉永甯述兵防志第七

練時涓日饗德報功清管合鬯繁籥和彤典祀有常明馨

爲主羣黎百姓咸格來祐述祠祀志第八

提闕水門灌寢沃野督以塢流誨之堂下吏不明農古人
所差城名召伯渠曰賈侯述憐恤志第九

五行占兆術廢已久災祥違政如響斯叩樞機雖隘貞悔
所誘述五行志第十

娜嬛典籍渺不可覩樂石吉金沈寥亡補乃覲篇名乃求
斷章附采詠歌擷華彙芳述藝文志第十一

元亮菊畦青蓮書榭江上風來遺蹤心寫覽古稽今諸馮
歷山爰疏彭蠡征鴻未還述古蹟志第十二

澤在一時報已千秋神君神父何德不酬春社豆觴伏臘

鼓舞善政可循往昔是與述循吏傳第

釋屨而仕宣歙四方幅巾華轂乃歸故鄉聲聞雖遙莫察
匪邇里閭峻游實知君子述仕宦傳第二

伏軾以趨鄭公之居束修自治化懋宗閭純德款款禮意
蒸蒸藜藿不採實有所憑述鄉賢傳第三

準仁軌義糜骨不悔正氣盤礴精貫宇內魂兮來歸散享
靈輝廉頑立懦爲邦家微述忠節傳第四

佩璫事親辟珥敬長孜孜庭戶藹藹嫺黨書之象闕行道
所仰述孝友傳第五

經經緯史英聲淵識人握隋璣家傳荆璧倘遇邱生錦已

餘尺杕榴一賦遂爲雄伯述文學傳第六

任卹之誼陰德之源貸鍾拯患推食爲恩麟之收幣君雲
削券此有嗣音旨哉芳善述義行傳第七

頤游草澤志或有在身不可親名不可晦述隱逸傳第八
維

清緝熙躋世仁壽煌煌

高宗集宴千叟茲鄉三老登

陞而侑引養引恬進揖台耇醺我醕醢滌我大斗憲言成
福保艾爾後述耆壽傳第九

樂著房中救始闕閭貞珉不移德音來括漆室未啟霜鐙

已灰皤皤日月懷清之臺述列女傳第十

客有客亦既戾止皎皎白駒亦既維止爾宅爾田無不宜之爾饑爾渴吐哺食之述流寓傳第十一

色無色界是生因緣緣之所滅萬境無前振錫何之祇垣何基轉識理性仙釋同歸元之又元性何所依述釋道傳第十二

嗟予謏聞敢曰精研入省舊史出咨名賢廣覽博徵集益總愆載籍滲漏援引未專釐正雅俗或有得焉闕疑存信略具簡編來詰糾匡願爲執鞭述敘錄第十三

河內縣志敘傳

代作

大矩旣兆形束壤制泉陸紛布廣輸周達其土有堅壚偃
瀦之異其氣有暑寒陵衍之殊凡民之生剛柔燥溼各安
其性言語嗜慾皆應其類是以莅政施教必因時順宜以
利導之察陰陽向背候序遲速之度循原隰水澤肥瘠高
下之宜因其所喜以勸善因其所惡以禁姦勿繩之以所
不安勿恫之以所不知夫楫雖利不可以逾嶺輻雖廣不
可以濟川權衡準繩異形而皆施丹青膠漆不同而皆用
勢各有適物各有當此爲治之軌不可瞽也昔者文命之
聖區別九州定其山川分其圻界條其物產辨其貢賦降

及姬宗六官分職司書掌邦中之板土地之圖司徒以土均之法齊天下之政通訓道方志以詔觀事道方隱以知地俗司險達道路保章辨封域皆總於冢宰以成六典之治周之中葉典籍未亡故我夫子取百二十國之寶書以成春秋漢時計書旣上太史郡國地志固亦在焉劉向略言地域張禹使屬朱轡條記風俗班固因之作地理志晉摯虞作畿服經其州郡及縣分野封略事業國邑山陵水泉鄉亭城郭道里土田民物風俗先賢舊好靡不具悉其書已亡後之學者但宗班氏而已若陸澄之所纂任昉之所增唐李吉甫元和之編宋樂史太平之紀皆總括寰瀛

儷於國史下此如潘岳之述關中王範之錄交廣雷次宗
獨詳於豫章顧啟期遂傳夫婁地江源士女雅行可書扶
南風物殊聞咸紀雖偏採方隅雜陳簿錄皆足以達情論
道辨物類名詮動植之詳喻勸懲之旨使夫遐陬單壤曩
厥嘉產登之冊府揚於天下而履其鄉者繙帙啟疏殫察
利疚如闕櫛比之中而通其苛矯怡愉之意於以惇禮而
拯性頒憲而糾俗執其臬守其經以求砥于大同胥繇是
矣我

朝聖緒丕承焯爍愔懿元鈞駿模乾莫坤謚餐化羣倫廸
蘇肚祐擊拱大常覃拍庠四垠九荒兩闕沈墨稷慎大塵

莎車挹婁舉厥駢踵之倫靡弗昌樂肉飛盡蹈首向
王會之圖重譯之紀僉陳於職方惟

聖天子設象以爲民紀搏本肇末比綴以度尤令區夏一
意同欲連屬其情秩之軌物故

憲典昭著命守土之吏典修方志以時罔怠所以齊統服
並質劑法至美也河內之爲縣延袤雖僅百里而介於河
朔地近宅中首絡太行澤潞之所控也扼河陽倚溫原南
臨邙洛東延鄴魏沁丹以爲洧白陘以爲隘風候和敞土
澤膏茂輶轍四達沃野平曠自漢以來世治則爲殷阜之
區有事則爲據衝之會故多往跡遺址載於羣史者尙可

考見其民敦愿以謹率義向方碩儒文人遺風未泯鄉曲
之間孝友廉讓貞苦卓立之輩不待間世而生不可謂非
雅邑也某以虛薄之才忝焉承乏振轡平臯之右褰帷武
德之原矚山澤之雄秀喜閭井之蕃滋振裴挈領莫知其
端敗駕傷錦默而思懼是用稽前誥求訓典揆今以覲古
由邇以度遠而故乘荒蕪遺聞散佚舊所存者非有闕駟
之精博賈耽之勤蒐漏所應詳登所宜汰援引鮮據舛互
非一況時逾百年未經復修月成歲會久而無徵潛德幽
光湮而莫舉遂使文獻之域同於叢陋老成旣謝典刑蔑
如是可慨也某以先務是急不敢諱其疏愚竊有修輯之

志迺歷考史籍以定其規廣覽篇冊以求其備搜碑碣以
辨其異同取公牒以證其釐革延邑人之耆俊俾陳先德
之所述進都鄙之耆長使達惇獨之行積之朞月舊章差
集然後授簡於友人方君履籤吳君育削繁摘要斂華賁
實經之以事緯之以文適前河東觀察劉松嵐先生懸車
養逸主講懷州因得就正有道加之刪訂乃有成書通謹
按河內之志創於明萬曆二十五年知縣洪洞盧君夢麟
而邑人王方伯所用時始舉孝廉實佐其事盧君爲之序
略曰世無不志之邑無志者獨河內彼爲其附郡郭凡當
志郡志總之矣然則他外屬非總於郡乎無志是無河內

以是綰邑者深思之而前令解州侯公實躬爲之考索故
典網羅逸聞屬孝廉王君次第其書適侯以故去役遂中
輟不佞至此逾二年而始討舊事以終盛舉更期年而脫
草創刷畢役河內於是乎有志志成於是乎有河內矣夫
不佞非敢爲志也仍前政之舊以成其美無亦爲侯公與
余同意氣哉睹河內枕山扼河據孟津之上節俠孝義代
不乏人皇代建制規模宏遠諸城堡官師戎政翼絕前代
文學繁興簡帙增輝而區區所僭陳於搢紳先生及父老
子弟者則惟曰風俗其自今敦好尙景行前休使此地人
文視昔有加以鳴國家之盛以無空斯志則不佞與王君

之所大幸也志今已佚但求得其序如右越六十一年爲國朝順治十五年知縣大興孫君顓奉中丞賈公命修輯延邑明經王君玉汝爲之屬筆王君卽方伯所用子也未竣而孫君去任繼之者晉江林君環昌復與邑人刑部郎中蕭君家芝參訂授梓時順治十七年也又閱三十年爲康熙二十九年巡撫閩公興邦檄修邑志時知縣事者爲南海李君標亦延邑人戶部員外郎蕭君家慈歲貢生史君連廩生蕭君健同庀其事至康熙三十二年功始竟又閱一百三十年爲

龍飛道光之三年其夏四月知縣袁通始自汝陽遷劇河

丙明年正月志事始舉而歲而畢卽捐廉俸付之梓人至
五年三月其工亦竣凡爲書三十六卷嗚呼通之先人以
魁偉絕特之才彌綸經術錯綜藝文早膺特徵繼擢甲第
入校秘書出宰上邑播德宣惠異政洽聞初莅建康歎其
志乘之疏廢乃覃思抒藻纂若干卷刊藏官曹以爲彼邑
之典式通無似不克守先人之學而幸竊微祿從事此邦
尋繹緹素編采故實亦獲與賢士大夫共觀厥成小子何
足以知此其亦猶先人之志也夫其亦猶先人之志也夫
乃爲之敘曰

文德鶴昭

萬善有室文彙卷六
二
天章雲會月山梵勝寵邀

玉軼魏君御射唐宗新誠孰與

聖謨炳煥百代

臣通謹述

聖製第一

中區豐壤綰河鑰山野王故都衛角所安漢稱巨都宛潞
是環唐始置邑昔名未刊二郡五縣遷易旣繁或綴或屬
隸於郊原是爲浩穰星絡綺連竹柏妙遠黍禾熒蕃開方
計里呈於簡端述縣境圖第一

附路之精孕彼峻嶒峨峨懸隘權輿八陲竦嶂含粦複岫
舒屏天井旣闢地肺載凝述縣境諸山圖第二

銅鞮濫觴脅穿太行石門始啟灌寢千里邊堰疏渠不均
上腴述沁河圖第三

源源之水來丹林沙麓九派漸碧潯二十五泉衍其襟滋
漉所達珍如金慎勿泛溢愁黎黔述丹河圖第四

沈有東支乃潤我懷仁瀆恬流涓涓潏潏穴郭通脈澄源
鏡開述濟河圖第五

崇塘匪廣河朔襟喉名山枕堞平渠決霤雲氣晄霸衣冠
所游劼之鞏之以奠爾陬述縣城圖第六

勿謂傳舍夙夜思虔無以莅之荻障猶愆阮生曠朗朱穆
貞堅景行克仰孰與媿肩述衙署圖第七

璧水環林清穆是崇懷經登降束修禮容述學宮圖第八
區昔壤續史事繫以表罔不備羅百代誠簡易附沿革規
往志述紀事沿革表第一

位惟鄰民如絃貞直哲人宣勞彝典罔斃惟彼不譖俾民
大棘野王建治歷躋嘉德厥惠勿諉名乃永植官師之錄
俊庸並列後有君子是懲是則述職官表第二

周武之穆始啟邗封溯漢泊宋或王或公元君斥居入紹
大宗鄭藩在明九傳乃窮述爵封表第三

韞價藪澤充秀邦閭鴻毛順風揚袖九衢子禮顯經遂舉
高第先達可懷醕修允繼旣貴名騫又思德副由庚在詠

勛哉衿胃述選舉表第四

營室東映井竿億臻爲締爲鄂翳古名存分畫保圻以諭
遂人述疆域志第一

太行幹麓傑僂千疊東委金傘西起蛟脊漢泉徐衍如津
貫脈經山緯川比於桑鄴述山川志第二

晉風禘嗇衛俗織儉附和安雅禮教相染珍藥盈畦良禾
萬鍾爾田爾宅土物土風于于敦愿以洽大同述風土志
第三

五行淑慝偏鍾一隅休徵咎徵時與地殊於錄

聖代羣麻合符頌呈瑞麥歌集康衢述祥異志第四

肥壤萬頃水田十三明季倍征罔顧民暑

皇朝均賦農食始厭計粟納算以養以恬歉則

蠲恤

惠澤益覃述田賦志第五

懷有神令時惟袁公疏巨浸修曲防奪彼斥鹵生之稻梁
達閭裔流母怠厥功述水利志第六

明禋舉矣嘉薦饗矣爾主百神亦職有常矣桑盛芳醴敢
曰惟馨何以格之時和歲成述祠祀志第七

魯齋雅化膠序如林釋耒以趨束帶橫琴河朔剛氣治爲
南金詩書之澤蘊而彌深述學校志第八

公家之役民力是征今茲建葺皆上所營三時弗擾百堵以興補完治敝毋隳厥成述營建志第九

光武帝業峙此而雄形勝之域戎轂蔽衝塢壁設屯三十所何如寇公居若臥虎

乾宇晏安武備亶修磨嚴玉帳坐奠金甌述兵防志第十
坂曰羊腸臺名射犬古人不作遺蹤未翦窅窅仙觀闐闐
梵庭駕言出游據我幽情述古蹟志第十一

中耶入吳迺得詩細茲求鄉宸往冊多翳採輯經論雜錄
傳記甲乙篇目編以世次述經籍志第十二

河朔片石珍璆琅驚龍妙畫開奇疆挾幽欲起羣仲將歸

山金累呈瑤光誰與秘此雲錦章述金石志第十三

玉溪麗藻振輶今古餘膏膾馥揚鱗刷羽燦然高詠緬爾
元矩屬辭比事軼文咸舉述文詞志第十四

安仁孝若尊風賞流惟哀鳳翔實勤大猷才克禦亂子房
最優尸祝奉嘗春社秋臘式諮雅範願企前修述循政傳
第一

肩道援溺嗟許與何銀管可鏤白圭不磨藹藹粉榆子子
蓬麻百步懷香十室忠信幽歟具昭植躬宜峻述先賢傳
第二

孝爲文本義乃穆行所居心化如響斯應沁水之陽獨楓

之里實產丁郭肫肫素履幽顯能格百世奮起述孝義傳
第三

志膽在躬天地改色齋命蹈義若饑就食習珍登陴易雄
馳檄一節慷慨百代廉立述忠節傳第四

霜條空谷貞禽不擾士有遐心蟄居塵表名隨迹削氣爲
身寶羣驚羽人野王二老述隱逸傳第五

運期遠游文若避地樂土可遷是焉僑寄述流寓傳第六
技進乎道貴爲世用棘猴恥織木鳶徒控甘石俞跗精傳
孰貽機神獨蘊遂炫魁畸述藝術傳第七

中閼之操達於紫閣冰井夜朗漆帷晝昏孤鵠翔雲女貞

在原過閭則軾有祀必勝述列女傳第八

鹿野勝因龍嶠靈族俱空萬有自守真獨太行石髓挹之
盈掬元鑰可探塵跡誰屬述釋老傳第九
析設聞麗簡末列宄行寓屏黜述志餘第十

藝文胥該典物差究民生勤窳山澤延衰實事求是闡微
章舊懲勸必詳考見或囿大雅嗣音匡厥謫陋述敘傳第
十一

武陟縣志敘錄

代作

夫郡邑之藉乎志乘者所以端臬疆索臚析川原闡人事之紀究土物之宜昭俊民之行網遺逸之聞使咸秩而弗晦以範居人之性而通其情其稽往證來則與信史相爲表綴故懼其誦訓之失職也則有私家之述載又恐其謾衍軼矩也故司牧者及時修輯以仰承夫

令甲然而不得其人則冗贅渙混同於胥史之籍爲學士大夫之所棄蕪散旣久而文獻寢亡於是燬惡無所徵政教無所坐如幽夜而去其燭火之明習習悵悵卽於荒殆是可感也武陟之志始於明李日茂其書已佚

國朝康熙二十九年邑令甘國垓修之擇焉不精語焉不詳再修於乾隆二十一年邑令查開秉筆未竟繼其職者王靖始續成之簡核頗當惜板冊皆廢今存者獨甘志耳蒙也以閭閻陋才受禱斯邑亟求舊章庶有師程旣弗副於厥懷惴惴以慄乃詢耆碩之士博採於鄉歲野諺覈其見聞汰其異說以授簡於友人方君履錢精志刪採再葺而成凡得書三十六卷有圖有表有志有傳而冠之以

聖製

聖製符者顯

慶雲之鴻藻敷

睿治之不烈煦諭元元使處於葦屋之下得諗

覆幬之穹厚燭如九陽潤如時霖靡幽不居靡生不育小

臣雖無載筆之職而樂與一邑黎首渥斯寵榮是以鼓舞

重陳於首章也圖之目十有縣境圖有沁河圖有丹河圖
有縣城圖有里鎮圖有公署圖有學宮圖有書院圖有武
廟圖有嘉應觀圖表之目三有紀事沿革表有職官表有
選舉表志之目十五有疆域志有山川志有風俗志有物
產志有祥異志有田賦志有河防志有建置志有學校志
有祠祀志有兵防志有古蹟志有經籍志有碑碣志有文
詞志傳之目十一有名宦傳有先賢傳有耆舊傳有孝友

傳有義行傳有忠節傳有隱逸傳有流寓傳有藝術傳有
列女傳有釋道傳凡諸圖者規畫區域模列吟哇陵麓不
易其方郭郭不愆其度因近以綴遠託小以著大綺錯星
離舒指布掌受政之位形焉侑神之宮象焉使人守迹周
覽如鑒於澄水而無漠懣之患入其疆則知四陲之延袤
遊其都則知衢舍之備向登其庭則知簿領進退之所由
賓僚宴息之所處若是者皆得之於寸簡而不差夫毫黍
者也是放準循繩而無不當者也紀事沿革表者所以鏡
往紀之治亂辨封圻之析合惟背覃懷以領州治既遷既
剖乃爲屬邑安昌更於隋武陟肇於唐端緒以明繁鉅不

遺比於史公之年表而千載可稽也綱舉條繫畢見於是
矣職官表者所以溯設職之初典城佐治各有攸責居位
之久暫考最之黜陟序厥爵里而采善鉏醜之意寓焉夫
駿蹇在櫪羈勒無以殊松栲植野苑枯無以異知其材用
則淑慝彰矣故名之所存實亦不能掩也選舉表者秀孝
充賦之士出爲時楨居爲民表惟三適之選以貢於王
廷而茅茹之升光於厥邦自漢晉徵辟唐宋科目求賢之
典至我

朝而克備士有去與滌而釋躋者其綴於是篇也其彩爛
然若編貝矣疆域志者經嬴縮之壤條衝塞之術明比閭

之法聯里郇之情申望助之義保唇齒之固使夫萬家之
邑如就平準而左撫右藉不待下堂而絢然莫素者也山
川志者舉其巖陁嶽錡之阜鴻川滔漾之津足以興雲雨
潤土膏不童而用贍不弊而養足者究其支絡通其源注
使人企焉挹焉而知燥溼之宜崇庠之數不可惑以軌不
可隄以險也風俗志者考方辨名端好祛惡類民物之思
攬習尙之糅務卽於聖道同風而化其佻迥厥有禮節奢
儉之不齊者循迹以書且繫夫規誡之說所以使人守樸
補偏而求槩括之益也物產志者所以覘寒燠之化無形
也磽陁之植相踳也灌溉之滋異長也勤惰之農殊穫也

布三務序五種君子諮於耒民而能督教之使先本而後末賤貨而貴穀至於珍藥之藁茜菜之采則以待四方之求焉祥異志者所以占五行之變陳六沴之警日星薄蝕陵谷震盪之咎霜雹水旱蝗螣疾疫之灾是豈區區一同政令之所招弭而眚戾所至民命是繫防患於微宜慎思也若夫室有鯢齒之老媵有連穗之穎嘉徵迪和以瑞盛世此尤不可略也田賦志者所以定則壤之經析鍾釜之祿春斂其庸秋稅其畝丁戶有籍蠲恤有記使民知耕鑿之樂以效輸將之事而沐仁澤於無涯也使司勸課者知勤以約之勿有所逋責以虧夫正供也河防志者前

瞰大河中激沁水流潦之環形如埒邱是在樹板分崖密
礎填淤使隄有金石之堅防無絲縷之罅則腴田辭於瀉
鹵而黔首於以永謐也明使之籌察 廟堂之碩畫時廬
於斯况小宰之案行渠瀆而敢忘夫澹菑之備乎建置志
者垣墉興壇壝虔庠黌設寺舍備倉庾啟杠梁鞏命於司
里載葺載治役三時而不害作百堵而忘勞蓋莅民陳教
之次尙乎整飭而貲費固仰給於水衡也以律乎斯邑則
湫隘廢闕之待新者實繁且鉅矣昔所措置猶可得而詳
也學校志者所以甄雋敏之材使游詠於禮樂之庭而範
圍其逸志也所以昭先聖之矩矱四科之緒以鑄陶天下

而納之於軌物也所以贊時邕而隆文治使有司得奉典
禮登降獻酢佾舞雅歌而奮興於鳧藻之化也其櫜櫛之
儀有所考而干籥之事有所守也祠祀志者祈報之誠也
土發而社納擴而蒸所以享先農也釋奠釋菜所以敬先
師也廩縣浮沈所以禱山川也禮曰失其義陳其數祝史
之事也故其數可陳也其義難知也俎豆犧牷黍醴祝帛
之數畢陳而涓潔以思祭義則存乎其人也兵防志者
國家文武之制以相鈐衛郡縣之內皆有戎政下至亭堠
咸置卒伍以望伺非常察詰奸宄上下統攝威令自行主
客相倚呼警罔怠此雖用武之國而恬熙已久鳴鏑不聞

遂若守禦之爲虛置也然而奮銳訓練之不可一日忘也
古蹟志者所以寄幽情於巖壑蕩逸襟於池榭問巨源之
故里訪子期之遺蹤竹徑流連沁園憑弔至於梵隱祇洹
金庭丹室客化鶴而未歸鉢繞龍而應召皆可追述遐風
聿傳名勝也經籍志者同傳元四部之論擬班氏藝文之
志盧牟往哲摺撫緜細條其篇目撮其指意雖一家之說
雜流之言皆有取焉所以使人博聞釋疑抱殘守闕求瓌
璋之秘文毋弁髦於緒論也碑碣志者搜采銘記之垂於
貞珉者以觀古人之遺跡大者足以補史乘之漏其斷石
零墨亦可徵軼事表芳躅昔人撰錄中州金石茲邑獨鮮

故爲之剔薶抉沙以僅存其一也文詞志者綜毫翰之
洪輝導英辭之緝旨揚風醜流殺仁聚義抒景物詮品
藻然文豔而用寡者猶多從乎逸篇必也彰瘡有倫典實
所寄擇其言之尤雅使人知植德修辭之兼尙則庶乎其
可也名宦傳者爲夫墨綬之長舉其良師也蘊貞敏之性
識寬猛之宜去其蠹而授之衽解其劍而帶之笏以儒化
愚以威克暴不必遵古循茂之轍而蚩蚩者心一首戴斯
亦足以全功名矣先賢傳者鴻儒偉德生必間世含山
澤之清英標流俗之絕軌昭於青簡延於葉語使人低徊
瞻慕懷景行而有願於執鞭也餘風緒論之不泯者必其

鄉人始能詳之或將有補斯編也耆舊傳者矩領方聞束修厥躬言則成文動則成德在邦家而必達守壇宇而不移使潔志者有所宗踳馳者有所畏在昔欽賢之長所爲表通德之門配縣社之食也泐雅操於勿諼而軾閭之敬申焉矣孝友傳者樹訓之本必先於門庭苟能無違色養克恭天顯殫洗腆之誠敦角弓之誠至和旣格百行斯融自使鄴陵之氣不興肫厚之風日萃其人在阡陌之上而貴逾於魏闕之下金管所述斯其首乎義行傳者子思子之言曰修善欲人知之譽之是爲善有勸也人莫知而愛毀此所不願而不可避者也若夫滋滋爲善而曰不欲人

知恐人之譽已者非虛則愚也及於後世賢知之過律人
以爲善而晦其名是過夫趨義之心也故兢兢於一端之
懿行由閭史以達其名所以教任恤也忠節傳者當隆汗
漚嬪之運處疆場爭鬪之會奮身以衛眾糜骨而不悔是
可以與斯土共永者也吾閱唐書而得一人焉附以近世
俠烈之士以增舊乘之漏隱逸傳者嘉邈自放不因世爲
推移彼實憚仕進之栖屑慕林谷之恬和默聲聞以養天
倪所處不必幽遠而脩然自遠者也誠暢其意則可以消
悔吝之衷箴榮勢之汨使人有安貧樂道守志不辱之概
宏風教者所當重也流寓傳者聞莊舄之越吟逢梁鴻於

客廡故都之懷已渺遠游之樂自永豈必擁腫與居鞅掌
爲役而後見畏壘大穰乎是可援僑郛之篇使人不忘其
本也藝術傳者九九之技進而桓公築臺偃師之巧呈而
穆王虛乘故曰人之無所能者不能與之處也至於蠡卜
筵筮風角鳥言及處方決脈之良皆有軼才精慮以濟世
用其震名於一方也明矣列女傳者所以耀閭闔之仁區
風烈之嫻女德所尙固非一端所謂哲婦隆家人之道賢
母篤義方之誨皆足以燁管彤隆世典而柏舟之操古所
希觀今則繩樞單婦咸恥更適非禮教修明之時曷克臻
此所宜亟爲闡揚也釋道傳者其人率以遺得喪一死生

爲卓行不謀世之稱耀而好奇者每喜舉其跡以相訖說
中代國書亦不廢焉豈非空有兼遺亦足以使人清心釋
累乎著此以見道之廣也蓋欲察方員周币之象數澤經
緯之詳非圖無以瞭焉欲稽世會屯亨之運官常造士之
階非表無以差焉欲知名物簿會之數法度簡密之原非
志無以繹焉欲聞黎彥姱節之芬潔衷修能之履非傳無
以哀焉四者旣具而復糾之以志餘志餘者所以補其不
逮充之以鴻衍之文博而綜之雖奇而不背於經亦可以
參互考覈焉猶侏儒構榱之材皆公輸之所取也然後宣
其要隲總其紀綱引而伸之不避複沓以自明其意使後

之莅此者求先典而秩如激庶績而允釐存者勿虧來者
可績奠麗陳教以飫民和使百務條通而輻輳如百川之
貫於江河無不滲漉是則盡詩人周爰之善游愚者歟思
之益乃爲敘略一篇以概夫三十六卷之杪焉嗟乎武陟
之爲邑千有餘載其典章謚訓之就湮者不知凡幾今乃
因陋就簡勑成此編文不敢慕夫高潔也惟求其賅博辭
不敢尙夫華縟也惟取其徵信事不敢專企夫雅峻也惟
重其足以敦勵浮俗爰乃蘇援眾務窮道本末後有曠才
哲士知言之選必能實事求是以救余之疎外是所深幸
也夫服劔者期於銛利而不期於墨陽莫邪鼓琴者期於

鳴廉修瑩而不期於濫脇號鍾則余雖未能習是勝非文
質相副亦諒其典實所存出於研摩綜括不以近而忽之
也

謁紫虛元君文

蓋聞雲軒甲帳花氣掩乎幽岑月戶庚郵玉光通乎清霏
登芙蓉之嶽初聽鸞音入槐柏之巖如逢鵲翼惟神沈珠
曜質靈鏡澤胸託體宅相之闡應跡令君之宇玉蘭仙媛
實平子之所生太華神姑爲貳師之良匹遂乃資承丹錄
咀啄白琅香嬰滿闕羽姬下而相迎笈帑啟堂安妃來而
徐步樓中黛影猶對青琴匣裏素絲微吟碧柰杼九元之
逸度躡五辰之祕光霈惠福於羣生寫遺徽於孤麓維茲
沐澗分派行山林藿縣濛濛巒波隱複玉梁未駕卽是真虛
之宮練石橫開已見純青之字風關歷歷地隔三塵霧縠

蕭蕭天留一綫陳其錦襦事宮霧照之媿挹彼紫漿西極
婉妗之后莫不欣覩妙構假號洞冥昭煒灼之清暉駐儀
璘之貞旆危峰標韻寒淙效深庶有徵焉豈其爽也猥以
糠粃下士趨起行尸山陽聞笛樓泊經年洛浦浮煙眷懷
靡已將欲牽翠蘿叩丹扃濯塵容憑陵秀嶽恭聞馨烈
竇感愚誠來過聖女之祠欲奏通天之表客非鄧郁降瑤
鶴以何時室異蔡經望明蚪之徒遠雖人間長史難授交
梨而太極僊侯或傳鍊桂毋使鳴湍怒碣截谷口之轅飛
霰嚴飈杜曲椒之展則鏐虹寶典格尊寐而非遙姑射冰
姿儻髣髴其可覩仰遲賴闕俯鑒元文

瑞麥頌

並序

維道光四年龍角耀彩鳳耒修職河洛膏衍澤陽罔替周
衰千里穰秣豐熾三葉旣墮百日待哺稚罇耨耒雲刈風
緯迺於野王之壤覩兩歧之穎五出之穗石民羣迪載懽
載訝敲之以首揣之以絺迺然歸美於其長河內邑宰袁
君蘭村君以奕世名德雋逸涵雅藝於從政有阿鄭之化
迅於疏闕達樊惠之渠視事而歲訟平人愉爰致斯美君
竦抑而弗敢膺也且曰今

天子運神鈎布德象稟叩太和誘納淳化賓連平露之華
繁於囿文騶吉黃之足擾於原而寰瀛庶隸體

聖冲虛狎視爲恆弗違薦瑞

宸展睠思惟勤隴稼精擇賢帥惠牧蒸元故太儀篤祐降
殖嘉禾以佐

帝仁飫民大澤予小臣曷敢以壅俾不上宣乃盛以繡笥
屬其友方履錢作啟一章陳之長吏請聞於

朝謹攷孝經援神契曰王者德下至地則嘉禾生瑞應圖
曰瑞麥者五穀之長盛德之精也生豫州中和之域於以
彰

湛恩漸被之隆軼古震今符於圖牒昭鑠如此昔鄭康成
爲獻嘉禾者代作表狀又著頌一篇履錢雖無北海之宏

文喜見漁陽之休應竊願祖述隨儒擬爲賦頌焉辭曰
聖皇承翼提挈陰陽時霖甘露延美大光靡騰不祛靡秀
不揚

凝旒兢業晷隙無忘銑瑤盈谷

帝曰非珍寢興勞仁實惟良臣虬鸞應籙

帝命勿陳寤言永懷邁在賴賴蹇蹇碩輔朱軒四馬周咨
鱗隰底衛之野農舞夾轂迂於桑社我有神君惠以天嘏
鵬旦朝雒穎粟含滋芬馨橫逸精曜紛披畝逾一鐘廩蓄
萬柔輟厥嘉質合榦分歧纍纍綻珠離離垂綬北里逐英
東土辭茂禔祥斯孕滲漉所覆將登

殿之可敬籩豆良苗之植天祚

帝德

帝德如天承在百辟斷斷小宰化理攸責誘民孔易如膚
依軼繫此河內舊稱沃區克享豐稔循政早敷禎采下答
選蔭一隅寵秩優加炳煥彰符守榮以虛保樂惟儉古重
蓋藏思均盈歉勿以歲成遂令穀賤儒吏勸警逸風斯變
郁哉

盛代微卉懷仁矧予列士餐挹清淳讚述明良纂組小文
規頌相成敢告倉人

天甯寺重修九蓮閣記

蓋自法蘭西遜陳紺馬之儀刹利東販布青螺之教摩尼
慧影雖照窮於濁水祇樹勝域實曜等於化城但以空有
難消機寂莫悟登葉之妙安求鐵鐸之怖斯甚五誠十力
必累劫而始通六趣七橫或崇飾而可遣是故天金天銀
之闕鐸語相聞風輪火輪之界幡枝密建豈非能仁之廣
筏足濟浮囊眞諦之幽棲卽爲醒境者哉常州天甯寺者
菴羅舊苑堅固貞林溯創置於千齡紀營修於厯禩珍臺
煥霄擬天竺雞頭之刹元堦駕空如耆闍雕鷲之窟婆樓
帶下甘露潛生律提鳥身香花自洗近五都之市靜若穹

巖接四誓之眾廣同梵海企瑞相於飛雲肅慈範於珂雪
珠裝帝釋金杵神王咸駐脂那俱爲莊妙洵使一瞻一禮
喜萬累之冰消一讚一稱見羣魔之霧捲非止瓦官擅三
絕之祕陽水繞七級之隆銑盤炫日卽號神功石鉢藏花
共傳仙穴而已也其中之崇檐疊構阿閣相承桂廡森櫺
松楹窸窣環以禪棲之室輔以講誦之堂蓋數闔而焉窮
亦按圖而未究若夫隱旃檀之座譬忉利之宮琉甕複起
銀龕俯臨足以焜燿於此寺者則又有九蓮閣焉先是明
宣德間有沙門淨因振錫來茲感鵲尾之香煙識槃鳴之
石址繁芳旣薤精舍肇闢首建一樓名以塵外攝心於華

藏之表標指於高座之上無假銅梁非求綺綴旣而陰焰
潛然梨車示滅復有文壁禪師秉智燭之明照寒灰之豎
勤資羣力克還舊觀至我

朝順治之元王塗載綱法輪易轉時惟香雪潤公度水杯
輕插枝地狹毗羅侍壁億國獻璫乃治鹽增彩更兆嘉名
嵯峨之美迄今遂閱百六十有餘載矣鶴息留丹虹飛疊
翠替戾聞於一同曇摩馨乎四果餘甘慙啟舍利珠垂琅
簡遠來楞迦雲護瓦石則行僧膜首映幢則輓粟爭供登
越城者方覩異氣棲魚山者似聆聖音然而亭亭芝幹產
斗拱而未凋彤彤蓮藥奉寶龕而將謝蛸衣側睂於流蘇

鴿侶徑巢於恩網金輝玉粹八彩九苞紫蠹初封黷塵肆
暈莫不憫危棟之就裂歎前修之誰嗣緇素軫慮頻仰彌
嗟今之首座恆瓚上人粵東南海人也具逸翮於夙生礪
銳衷於捨欲出四門而慙行厠鑒三惑而哂畫瓶阿練之
戒轍精純法秀之羣經博貫洞神莞蹟超相香城久雄法
鼓之筵屢冠重雲之講屈知寺任已逾十臘顯芬馥若苾
芻譯荃微於藕孔名流王范挹敬風猷同時支許爭傳譚
議遂乃虔敷願海宏設導師餐減伊蒲施餘磨勒冀西林
之誓松化爲楠欣沙伏之緣珠能滿蘄經始於道光甲申
仲秋至丙戌之春厥功始竟閣旣就新又壤其隙地築樓

十楹及大悲閣法界堂各三楹偉哉機以冥通匠由神運
地肥默聳天脊虛擎金碧爲幟淨業之勝以生鐵鑿成簾
大施之會丕著雖使林微尼園昭四八之瑞畢利叉樹展
十種之光青駕立諦之林白虎共居之所未足喻斯無漏
例彼福因夫文者道之寄也言者理之筌也故真丹訓則
聲藻震中品義宣則事靈梵表滬瀆之浮維衛爰泐穹珉
天水之頌佛龕乃垂竹素況功崇乎雀離敏儕乎印手攬
上郡之眞游補招提之妙迹不有纂述曷昭來許錢也學
未綜夫十地辨邊析於三乘寶階立柱親證師鳴明鏡非
臺何勞蟲篆屬當誣譏波旬庶幾彥和銘像不黏外

道之鵜源賀投辭堪作祇洹之偈

呂子楸諫 并序

呂子成懋者余妻之姪也字子楸常州府學生年始十九以道光五年七月卒幼稟瑰質劬經不怠侍太邱於廨庭有長文之佳譽致歡恪勤應機捷麗駒齒未落蛾術已富乃偕諸兄歸應黌選英志蹇仲篤疴遽遘摧厥弱挺靡拯靡植嗚呼哀哉余以肺附之誼異子於孩抱之日外舅常笑謂余曰試觀諸孫孰爲穎秀余以黃中之美獨鍾斯人撫其首以告曰此佳器也足以酬清德矣相違彌年而妙才日闡且時錄其篇章薦余於千里之外藻彩芬逸嘉其有成自謂公榮知人之明期以盧謏同仕之雅嗚呼又安

知子之戢華不曜也子之姑曰吾父官海昌其公舍鄰陽
侯之宮棟宇宏敞像設嚴偉姪未病時輒夢羣神招之舉
觴賦詩終夕乃退又忽喜與諸昆季分席而坐咄咄自語
或伸紙疾書不令人見詢之不答又數自言今歲必死異
哉理既通夫元冥識亦符乎知命豈非青精童子生有前
因蒼水使者藏其慧魄戴洋授籙逾五日而不歸周勰冥
游諭數月之將屆乎何以竟委茲軀質而徒洽彼靈修也
耶逝者焉觀愴兮奈何乃諫之曰

營邱之枿實有淑姿守性安雅茹文薈奇雅髫克振擢秀
靈枝孝恭匪誨博悟匪師奕奕大父循風希古州郡宣猷

海濱卽敘仲子維賢鍾美能輔迺毓此才允集休祜羣從
森起或通或愿子處其中霞舉雲煥黃琬雅對張憑譎諫
貽厥之愛粵鍾英幹玉期善價學企修名鄉邑造士子蜚
厥聲角巾初綰鍼艾已呈俞跗在室診至莫營玉樹湮埋
痛何能已愴心零泣曰怙與恃於邑升堂敬慰暮齒悽悽
重親亦旣傷止疇昔之歲納采宏農大義未申卒遭閔凶
貞媛自誓易經毀容願謁夜廬明此潔衷幽咽寒泉沈飢
載揚是繡是黼將翺將翔翳子淵明忍呼以殤死耦秉操
撫嗣宜昌婚媾之雅婉變初見負劍相詔披帙忘倦視予
猶父中情益眷稱以家寶許爲時彥嗟我勞人久辭故閭

惠簡遠存雄文起予欣瞻特達含芳勿渝豈謂清神驟匿
荒墟古人有言道惟恍惓壽爲欺魄天爲晷殁成寐遽覺
達觀則一修促旣齊顯晦胡別之子俶儻燭陰倏幽生理
先窮眞氣與游神人合契擬昔蔣侯禹黷夜召雲旂翠旂
塵域紛緼往矣勿顧生者裏悲歲月馳驚惜子令聞思子
雅度託之繁豪以永終譽嗚呼哀哉

史孝子贊

並序

史君印曾字綬紫溧陽人父汝杰山西潞安府同知母謝氏在蒙色柔體敬執玉侍宦效季英之絜宗親揚叔異之稱年二十二母邁疾疢夙夜勤養久廢餐寐帶環自弛寢閣不違求紫石而悸心禱瓶花而雨涕蓋已羸瘠忘乎厥躬憂慕喪其神守矣園穹昧誠慈靈驟螫搏顙飲血形隨聲漸升屋三號退而隕絕宗懷踣地烏欲唁而未甦崔約植杖風始吹而卽倒融融之樂竟及於重泉哀哀之詠莫延於一息恆星爲之匿光陽曦爲之易晦凔情凝至固如是乎噫爲人子者感枯魚之銜索怨駒陰之不留天遠難

呼身代末由使得委生殉亡長侍壤室斯亦鮮民之至願也人道之窮禮以厭之毀不滅性聖人愴乎其言之矣若孝子者瘁力於親瘵之時悼心於閔凶之日孱焉弱植酷痛以摧雖欲勝喪豈暇念哉命之不延則百身之莫贖也乃作贊曰

澹澹春氣孝德是充洞業儲靈毓於价宗依倚庭闈若將畢世一旦失圖裂衷永逝齊民奔恤長號氣折坦之殞生九祭未設死孝可矜逾平昔賢哀情崩決如彼逝川林秀異卉波躍神魚至行上格百福所都守白勿渝茹丹勿瘳休烈播遐永言錫類

許烈婦贊

並序

烈婦姓趙氏江蘇婁縣人韶儀襮采淑令應圖四典是究
七族咸譽年二十一歸同邑許惺之修季蘭之操繹京陵
之矩薦玉筐以柔桑施瑤衾於滌葛婉變上堂溫恭奉案
至於明鏡贈離璇文寄遠扇掩合歡琴鳴斷軫未嘗不勸
樂羊之勤學述大家之女誠櫛縱且修饘醢夕治嬌敏之
行疎戚稱焉薄祔卒遘良偶見捐白日西頽商飆遐激兩
鬢之誓九天所聞同穴之期百年非促庭幃侍養有季息
之可憑形影子立無遺孤之待哺於是懽結自傷從容告
殉事異韓樹總幕牽以忘生貞若荀采粉書成而不迫遂

以道光六年某月日就經於殯宮距夫之亡僅四十有九
日也未逝之初厥衷夙勵哀愉在色朕兆已著威姑拊心
以曲導閨侶攝蹤而罔懈始則削哀弛防繼乃蹈暇致命
確乎之志終莫能奪豈非誕正曜靈濯懷霜雪凌暉禮宗
超軌貞義足以彰丹青之飾致邑祀之牒者哉式企芳烈
欽悼難緣爲之贊曰

趙有名媛刺笄返真洪胄千葉克嗣令聞煜煜高行雲間
播芬合禱於許端操曠倫命兮適屯君子不祿哀嚙中肝
禮絕夜哭黃墟同游碧血如沐儼重邱山豈均溝瀆幽谷
勁松霜濤自鳴宏綱旣植眇躬匪輕心皎日月氣挾雷霆

秉順安常遺慮死生提提繡黼懍懍冰檠巢彼管彤邈茲
峻節

皇鑒寒蕤

王綸闡迹煒哉煒哉榮賁壤室

重刊法苑珠林序

代作

式仰駿迎首崇調御青蓮煥相之辰紫山寄莊之始髻湧
百寶馳照四天吉祥之瓶廣納赤宙知慧之藥俯接黔毗
莫不因妙以立覺藉寂而探機設教止乎一慈建諦俟其
頓悟上行所屆微言已伸復以三界昏寢六賊攀緣鼠入
角而焉通狼守齋而易毀於是轉意珠之明揚慈水之瀾
吐奧旨以拔迷根積雕談而搢險樹芬逾薈葡夢發優曇
雖四十九齡未拈般若之義而三十二士各示依趣之階
無說無聞天花早墮非堅非久蠟印自傳白馬創剎羽林
之使初歸神龜肇年洛陽之求益備乃使九乘大典西辭

平流沙八梵唄音東簷乎震旦自迦葉口誦之文菩薩淨
行之品觀驪龍而豎指逢饑虎以施身請雨有經移山著
論至於辨意長者成貝字之篇善思童子效琅函之誥咸
敷精業婉迪羣蒙加以前皇黼辰喜闡勝因儒生綺毫樂
爲釋用梁帝重雲之講旣耀南區姚氏草堂之集實隆北
學曇柯之所宣譯羅什之所發明彥和燐髮編定林之經
藏小山潔願獲開善之香幽由是綈裘繁璫金繩密約莊
情束影之詞啟繆開賢之制足以躡靈飛之綠檢抗聖籍
之丹錢列棟連甍浮煙散竹語夫博涉從事斯難索彼菁
華惜徒莫憶乃有沙門釋道世者植蹤唐代應詔西明學

通內外詣合教宗擬彌天之道安爲方袍之平叔愍夫眞
如易晦法匠難遭遂乃綜覽義林穴穿奧蹟舉其綱紐明
其指歸闡八藏之鍵挈一裘之領大乘小乘之別幽顯俱
詳語業意業之闢源流可溯如酥就熟億轉不凝如水散
泡干沫共見百篇之目旣析四禪之用皆純若其敬攝旃
檀聿宣慧炬日精入口住白淨之宮月愛舒光孕青霄之
座鐵豬受矢玉象扶輪獨守心王不離智食富樓那之姓
氏標若星躔波頭摩之劫壽羅於紋掌欲使維衛威神咸
而卽應尼乾邪計望而輒摧此則僧祇之本律亦讚述之
願海也因以漪濯塵冥解脫頑固七珍勤表五濁泛陳以

蓮舌爲振鐸以細素爲長桴汲汲苦言悵悵淒韻逆風熨
熾懲導慾之心行厠畫瓶泯惜身之念四虵引於鼻耳二
鼠逼於腎腸凡諸怖畏足起信心倘使鉢露能濡自無酸
酷幡雲獲蔭豈遇煇煨敲骨剔髓之誠濟生非恡掬土雇
花之細得報靡窮巨障裂而空明生深痾燭而凡刼盡此
猶禦寒之設諾拯渴之蘇陀福利之階斯爲最要至若曲
辨情靈富該圖史繹英彬蔚麗篆紛綸事多集於佚文語
每秀於天拔鵲園異跡香散驚精馬苑餘輝華飛纓絡求
黃繖於安慧神瀝浮來夢白服於龔延夜光照徹興公銘
頌遜此芳塵休文碑狀愧其妍製多聞親授阿難爲之展

輪摠持強記摩詰於焉避席信可以梯航眾品肴覈橫書
獵藻者珍比青箱饋貧者非徒黑學宜其千禩不刊三教
傳錄者也世所行舊槧本曾經明人竄改妄增百卷爲百
二十卷以致簡葉違錯文義晦離點畫之間更多脫誤邢
子才之一適非可例觀賈慧遠之五論難期間合披卷尋
覽能勿慨然清信女士董昭虞山蔣大令伯生之造室也
生善女天號仙人子珉膏飫齒石黛修蛾悅意馳稱妙音
作眷懸金九十日爭譽便娟載車五百丸皆名歡喜琉璃
硯匣不犯綺詞迷迭薰爐潛持密教因以梵夾校證此書
始知今本之訛迥非前人之失丹鉛旣久緇論悉明過發

宏心謀資眾悅同時名閨淑儀大善知識咸分華鬘襄助
鍍梨共得百人費凡千鎰摹勒精審考析澄嚴曾未卅歲
鐫訂訖功福暨眾生美冠諸蘊阿育建塔受夙世之慈緣
瞿夷獻花遭閻浮之良匹寶髻尊宿之前六門開示優婆
塞夷之侶四諦顯揚竟令佉樓半字易旁行倒住之風珠
藥全勝播辨物類名之訓成一切種智爲三界導師具此
淨因超於戒垢天銀闕下鶴女無遇辜之經水香園中鹿
母迎善見之律十重緹褶偕慧日而齊暉五色霞牋垂法
濤而愈永興言褒讚聊敘毗尼心塵未離空懷形管身田
被潤欲丐青苔雖來旨之勉酬慙覺緣之終蔽

東湖縣知縣洪祐甫碑

日清有直臣編修洪北江先生勤攬上操根道核藝端誼
正辭播烈中甸載育元嗣蹈騰餘蹤綜述文猷愔宜雅行
於時承學景附之士僉謂運勺經訓仲師兼通司隸風義
文泉益振則惟我友東湖君實膺其譽焉君諱飴孫字孟
慈一字祐甫先世爲宏氏避唐孝敬皇帝諱易姓曰洪諫
議大夫經綸莫居於歛遂爲茂族三十六傳復遷陽湖至
北江先生以僑籍通顯故君遂爲陽湖人也稟玉燭之眞
采體蘭石之自然黜鬻廣誦闕幘砥躬娛志重親有子珪
之篤曜業都講有君魚之敏名理探乎九師交贊迪於八

顧矜氣翹節蓄縮是憎堅中抱樸櫟極弗尙旣乃揚英西
豪侍游東觀佐人倫之鑒預元言之奧斥中壘經術之殊
無子順異同之論俊髦納屨君挹其奇典冊盈案君繹其
緒於是鴻辭鑠於藻林脩名徹於京國大小章句學者所
定精良綜事家督克任爰值先公卓建讜議入繫請室出
戍伊吾精誠動天

召歸田里君徒跣求援崎嶇奉母殫心顛沛之辰以盡溫
恭之職家難獲紓願親誨弟初舉孝廉疊應貢計遭喪骨
立勺漿廢旬陳紀服除而消瘠崔實竭貲而營隴世篤至
行周卹慕焉給札 史館考績奏名選授湖北東湖縣知

縣班條申信削記厲威宣六陽之仁珍九金之肅邑有豪
猾蠹虐積稔君刊厥飲章報以重比伍士弗輯攘我市旅
君執仆於堦以儆其長疆衙旣抑清修載綬開校舍甄秀
艾期月未臻功化以就伐枳棘而見頌毓嘉禾以薦瑞謂
受介祐將爲國表陽烏巢門景命告謝以嘉慶二十一年
七月卒於官舍釋耒下機奔走厥角束君之澤空歌長生
郊令之亡悲纏服義德優齒靳愴兮何極君深明訓故尤
邃史學嘗謂扶風以降志表多缺汎覽廣輯次第纂補已
成之編二十餘卷藁所未竟不啻倍之詩文遺集又及十
卷嗚呼君之享年僅四十有四而逸軌盛業淵乎莫尙若

此之懿豈非桓彬擅過人之姿周乘真治國之器哉士友
聞悼遐邇失聲喆侶遽摧曷以展抱君之諸弟追感慈恤
仲氏能文敬述楷範因相與刊立元石陳於隧左思闡令
聞俾燿後昆嗟祿命之不融庶儒修之永劭銘曰

啟胄惟宏改因時諱諫議卅葉世德罔墜挺生偉賢伉志
匪躬崇廕紹休克孝克恭名父之子經明行修六藝貫治
四史研蒐祕義丕析軼篇獨舉奕奕華稱滌蘭湛處館綬
楚邦達於從政禮訓誘蒙峻刑束橫輕塵棲卉奄忽其逝
惠愛莫忘微言孰嗣靡不軫懷伊人云遙零露沾裳宿草
已凋貢詞累善表之瓊闕谷賈陵遷英飗爰發

萬善花室文藁卷六終

萬善花室文藁卷七

大興方履錢

龍母廟碑

夫道拆八極智幙六合燭遠照微撫雲霓而應樞者圜首
之聖也籥氣元冥超象儵忽處昧融鑒弼泰鴻而司契者
真宅之精也若夫質毗於陽德毗於陰雲繼霧驂鬼出電
入還棲昆侖上躐蒼昊約巨而張纖穴幽而驚明彌綸六
虛之表常羊九淵之閨神化而不可測者其惟應龍之靈
乎蓋其吐漱翥潛卷舒江河時動則澤普體潛則壤莫延
福祉於興萌昭禎瑞於康時是以欽響薦潔比於縣沈之

典祠官序秩冠於嶽瀆之尊宮楹嚴闕瑄牲駢闐兆庶奉
其明馨羣方畏其盼饗辰耀所主莫與京矣龍母之廟見
於載記者皆在唐宋間昔李衛公夜游偕宿華宅有媪語
之曰此龍宮也二子行雨未歸天符遽下倚其代役是知
羽嘉之精爽擬乎列真端溪之遺迹同於華渚哀牢神姬
育翠鱗之九男張氏仙媛孕元雲之三嗣金臺石室豈獨
瑤妃玉斗璇璣不殊李姥掌水府之錄舍太一之英歷禋
所崇慈祐丕著沁水之濱舊有祠舍未詳始建之年椽藥
雖敝蘋蘩非匱黃陵之祀尙摩季漢之銘赭山之麓時肅
湘君之駕其地當武陟縣之城北相隔重隄道光三年季

夏虐霖不戢洪濤驟濺澎湃衝激壁立十尋防岸傾弛牆
危一堵圉圉並遷於鮫室民人相驚以魚服知縣大興王
君榮陞去蓋褰裳胙腹湮過禱崇請命靡神不舉土脈之
用旣竭車牛之享莫應狂波彌厲陰黷翳空耆士有言龍
母之靈者君乃絕流而濟涓幣告虔乞仁宥之宏拯下土
之汨踰祝始竟退視急湍竹樾方下同泐已安長茭徐引
填淤自見似萬騎之疾驅注尾閭而不復逝川恬若黔黎
懽踊咸謂明神之庇迅於激矢令尹之誠格於幽祇也君
感囑靈覆亟謀仰會非營飾巍峩之宇曷足昭敬事之衷
與主簿福山王君文緒邑士趙大年等同舉羸羨集材庀

工芝栴煥於堂桂閣蔽於寢庭以隆敞爲華殿以靚深爲
美銑瓦櫺比綺綴糾紛因胥徒之駿奔督斤臬之速究遂
於某月考此邃宮清飆入戶如聞帝女之笙彩霞映檐當
進陽侯之舞五色之雲輶允莅九真之容衛森然儼鯀肱
沙是云息壤元鶴應節乃集廊門共將事於芬燎爰報功
於蕙酌旣散旣隲以奠以熙穰穰來祐卽黃庭司命之居
浩浩馴流過天姥神峰之下豈如瓠子河津惟聞噴沫交
州舟激但識潛靈而已哉盛烈聿彰穹文未泐履錢游寄
三川行逾六稔河伯下林未扣懸藤之韻嵩高廟貌應知
鬻畚之人見夫泮渚之波不揚黍禾之穗滋茂實聞嘉貺

俱賴神庥是用輯黎元之頌聲銘麗牲之貞石宮亭舟側
繼雅詠於曹毗龍川碑成慚飛毫於宗懷辭曰

神母穆懿德叶乾陽溟滓毓化膠葛舒光俯鑒於下捍患
召祥粵有舊時面沁之防稽彼沁流導自涇谷乘崖傾瀾
捷若飛瀑協洽秋淫襄陵決麓爭嚙危隄砰訇危威王尊
爲政圖惠拊循不沒三版鵠立川垠惻念灾眚責躬顛神
乃荷廣幬驅束介鱗喻納我生登於漸淅蔚蔚疆圻耄警
稚愉曷云酬功雲旒烏煥曷以致之靈宅其茶開陽木飛
班倕巧構工以心競力因懽懋脩稅翔鸞繁燎炫繡鉅砌
光凝珠屏影綵鴟脾桓胡禺强蓐收左幢右簡鏘珮鳴璆

玉女啟扉羽童拂簪朝濛濛
蘋霧宵肅青鸞碧華丹簋蕭芳
四舉坎坎蹲蹲晉歌且舞精忱
不忒懷濡恩怙巫飮致辭
惟神假汝游波寬緩鏡清砥安
歲用順成稽民樂駢春漪
栴闕日耀松楊瞻此福庭以永
億年

周筇雲墓表

君諱爲漢字心渠筇雲其自號也浙江浦江縣人清第播
華逸蹤裕範考諱能珂甘肅山丹縣知縣野王著高妙之
行鍾離勤隱親之惠君爲山丹公次子粹質軼乎璠璣慧
心發乎髫髻舞雞燭智夢鳥探胸學不再問敏逾任嘏文
若宿構羣疑范雲長而曠度益徂研思罔懈勁築蹈而表
銳造密酪而含辛郭亮動聲則宮商俱暢王筠涉筆則孔
翠羣翔詰兄鑑湖刺史亦以瓊瑋博達早騰令譽分鑣藝
林炫彩錦肆辨神韻於髭嶠質經業於瓊珪雖雙驥之稱
一時並重而君尤能精究七略貫綜百氏激蕩驚芬英絕

領袖鑑湖亦自謂弗逮也於是投斧得占負輅過往入槐
市而覓舉宜竹箭之見珍洛水宴集之賢太學聲華之彥
莫不定交杵白清論簞瓢符彩映座則意氣如雲奇句懾
人則頭尾擊地其時無錫楊蓉裳先生方領農曹獨雄詞
坵而遂宦張侍御問陶陽湖劉編修嗣綰桐鄉蔡儀部鑾
揚甘泉汪水部全德諸君爭吐洪輝各標麗篆君頡頏其
間機杼自異咸推文猛或畏儒梟龍門既登元禮爲之撫
掌蛾陂坐對次都洽其高情由是盛烈愈揚翕羽日廣而
君砥厲之志亦益顯密期埒美於前修雖鉅肝而不悔矣
無如絕塵之步不能登丹梯之桃貫月之樣不能越鴻溝

之限溫卷屢投屈聲徒振百中爭能歎學術之終悞一第
恩子令結轡以寡歡入粟授官爲邑主簿乖其本懷終不
謁選貲郎之號無愧文園斗食之吏難羈僧孺繼而遭山
丹公憂衡陽之橘林未植成都之遺桑已枯季彥隨兄守
遺令而不返管生奉母卜新壠而僑居遂乃賃廡長安載
旄涓涘掬土營馬鬣之封支牀見雞骨之毀直杖尙陳蓼
莪更廢稱叔鸞之死孝感杜棲之噩夢雖庭下翔鳩不無
靈契而水中遇蛭已有隱瘕加以下殤頻告傳金瓠之哀
辭倚戶微吟發錦瑟之清怨幾至歲聞薤露門列松楸肺
附之親凋亡殆盡含酸弔影積瘁拙心憂能傷人宜孝章

之不永也鑑湖宦游桂管遣書相迂壬申之秋辭醫就道
停驂武昌氣疾增劇方伯素訥公雅重君才躬延伯休之
車手量眞長之藥沈縣轉篤遂至不數年尙促於公明位
未登於少府旣膺多難復愴游魂天道之酷乃至是乎君
性耽奇思晚益苦吟詩文之境造詣日深凡骨盡捐異藻
獨豔鴻黃竊選之韻葩華萍布之色長卿之賦來非人間
昌谷之辭加以精理洵足睥睨時傳搯腋唐賢其所自訂
者有枕善齋集八卷旣卒之後鑑湖專志搜輯又得八卷
散佚尙多存者已足不朽矣眞冷之誠願侍新阡鑑湖哀
之護其單櫬以嘉慶二十年某月葬於長安縣塔坡里計

君畢生命多踦隻文人之厄幾遭其全惟有俊昆爲之曲
蔭生則愛無分形沒則補其遺緒馬況晚成之論足慰牢
愁王微告靈之書或消幽憤此則君之幸也履錢與君同
侍宦於汧隴之區並執贄於宏農之館名齒後先臭味親
洽時方總角未及盟心後客燕都遽聞君訃素交設位余
爲奠章舉觴高誦相向失聲今越十年而鑑湖又屬校其
全集且乞表君之隧昔日黃童之譽竟爲後世之相知此
時元石之文敢附生年之死友庶使宿草不萎流泉應節
飄零溫尉猶懷詞客之靈慷慨陸機獨弔中郎之墓

董大令

敏善

黎陽城守記

夫鉛刀可以削物而欲刺犀兕者必求純鉤湛盧之錐礪
綸可以飾躬而欲禦霜颶者必擇渠搜貂緇之裘故車奔
則精馭者顯其技波迅則善楫者任其勞士有蘊奇抱略
而蹈順守常則無以異於貌執之流難辭夫蕭杌之稱及
其處艱危臨猝變建一策以定羣疑伸獨智以理眾劇疑
然不惑績用有成然後知翰翮之用固不同於腹背之毛
也董君藹如承蔭情懿受質篤遂因心則朗觀物斯融千
尺之松長輿擅其磊砢八音之瑟彥先發其鏘和衡宇窮
經久滯東溟之翼儒生感遇徒聞北門之歎歌汝墳而解

帶襲緇衣而受牒遂以投名銓府署職佐僚以嘉慶十七
年任河南濬縣丞事王績樽疊方傳逸韻崔倕銘刃咸識
精良濬邑卽古黎陽之地鄰於滑臺莅澶相之津扼恆衛
之要實爲巖邑故唐於此置府兵焉世運久康殷阜是著
癸酉季秋滑匪猖逆爰肆凶虐戕厥長吏負嵎旣成遂擾
鄰境時惟亂生於俄頃禍倚於肘腋未謀外援先懼內訌
而邑令朱君素有羸疾至是尤劇士庶惶然靡所竢命君
乃奮激自厲申誠眾志稽錄少健捕索醜類乘樓堞以呼
警授干櫓以誓言削棘爲矛裂帷作幟令嚴則萬衆毋嘩
望伺則四陲相應賊攻圍日亟鋒銳悉至陳踞大伍南蔽

浮邱睽睨俯瞰髮鬚爭鬪君圓臍拊循自晝徹悔蘭石積
於墉間瓶甌隱於甬下蒸雉尾之炬禦兕革之輪煥芻蕘
而丸泥樵蘇竭而撤屋又復草檄告危割裳示信手揮百
楮口授十人赤白之囊懸於飛矢青墨之綬紉於和衣是
以義堅鎧胄心固磐石守不闕於十地時已越於五旬然
後貔虎遄進豺豕駭奔黔首有更甦之慶郭郭無易市之
嗟然而君之支睫以應機忘餐以趨事者亦岌岌乎殆且
困矣夫狂渠羣煽自背幬覆奮當車之力膏蕭斧之誅
天吏聲罪大憝殄亡固知蜂蠆之毒適足隕身蟻附之徒
豈能兆亂然非近監其吭久羈其踵使得逞跳踉之性恣

吞噬之雄則薦食漸多燎原難撲必且延歲月之命緩獮
難之功況乎孤城業業已成累卵之形萬靈喁喁繫於輦
君之上候奄不夙戒池隍不暇整君以孱躬居乎下位而
能從容審畫擿伏定傾拯倒懸之急挫方張之焰負楯習
勇欲啗孝長登樓清嘯何慚越石至誠可格聞耿恭之穿
泉猛氣莫摧見老嫗之當道論勦太常復何愧乎會有齟
齬之者君遂謙抑弗居但以率厲之方歸於邑令朱君獲
晉五品銜而君仍守其故秩如善同於賀首兩言恥於雄
成久之大府知其功能乃遷爲中牟令世情旣薄自明謝
覽之操軍事未嫻人知嚴峻之讓今且政成簡惠績茂浚

防雙幡繒其飛熊四野翔夫馴翟比戶薦神君之頌

當之知健令之名斯則通方之器不可以一隅閤靡剿之
穎自可以及鋒試也余與君有通家之誼申之以婚媾而
轍迹間阻聞休烈而未詳友人吳君碩甫爲誦顛委且以
君意乞余爲文記之此固青簡之所當采銀管之所爭述
也雖文無孟堅之贍而事有史公之覈謹附載筆以播駿
猷

鄧漢中德政錄跋

夫陽和布氣大美無言循良受職羣生自育蓋其軼迹標舉禮意敦龐委以連城令如流水昔馬遷所載始列鄭僑至於後史未嘗乏紀然而治道漸移取效日淺比之古人流風亦少衰矣若卓魯之惻款延史之恩結袞衣章甫實頌神君元酒甘瓠訝於耆老則千載誰嗣之歎豈竟寥闕亡聲哉浮梁鄧簣山先生膺山甫之德資游夏之藝芬藻夙彰脩能內茂初登鄉舉繼擢鼎科釋褐蜀中改官關右以洵陽縣知縣再遷爲漢中府知府凡在官四十餘載厯五邑一州二府其致治也撤鉤鉅於堂階振綱領於次舍

蕭秋霜於叢棘煦冬日於枯荻採與人之謗謠通上理以
宣化故能察篤天隱布濩閭澤原有讓畔民無詭訟皮弁
俎豆遵延壽之教含哺鼓腹喜岑君之來又復敦稼課桑
連泉蓄水苟陂之下初見金犁沈菜之堰已開石洫井竿
安而業興文雅習而俗厚所施之政百年而不做既往之
思一日而不忘誠曠世之良師佐化之醕牧也嘉慶二十
有二年吏民追述功德請祠名宦大吏以聞於

朝

天子嘉允時距公之卒已若干年遺愛猶傳褒崇始大登
配庠序賁茲寵榮浚儀圖畫爭仰陸雲桐鄉奉嘗獨尊朱

邑子香留題於江介樂公立社於燕齊不朽之隆光於前
烈公之子菽原太守輯吏民額請之文暨德政之條爲崇
祀名宦祠錄一卷以示命記其後某侍宦秦川北游汧隴
慕田叔之餘風識文翁之學校扶風長者爲言芟舍之棠
杜陵男子泣聽統如之鼓涇流一石雲雨相隨渭水千尋
玉漿可飲每欲撰講德之論頌樊惠之渠自愧小文莫宣
景行獲徵斯錄信播徽猷河南令牒卽泐韓仁之銘豫章
功狀遂刊韋丹之碣庶使馨香可達亦以勸夫來哲也

莫愁湖秋泛圖記

袁丈蘭邨玉液漱胷仙心納韻爲林下之雋嗣得正始之
令音領袖後來頡頏先達登龍之彥爭測交於元方窺豹
之耶豈遠慙於奉倩一時題襟勝侶薦塵名賢冰雪湛神
林臬把臂東軒靜寄同撫春醪南籬舊約適逢花信娛賓
之賦初就折芰之坐旣陳乃復撫麗景臨素流馳蕩古歡
徐迴綺迹呼雀舫之三尺挈鶴觴之百提莫愁湖者地鄰
煙月之都天入水雲之夢珠紈似月桃葉誰來金粉當年
蕩花能記當夫紺蜨揚幡明鴛戢翼訪江楓之未落見岸
葵之方疎粼粼碧浪善借秋心渺渺素谿難招美子錦帆

萬善花室文藁卷七

三

半漾桂楫雙披縠細波平撓圓蘋破淡煙作障空翠繞裾
涉目乍遠乎浮埃素心遽軼乎天際爽籟驚其酒抱晴霞
澣其詩腸交甫之珮裊衣香而暗搖洛生之詠與櫂謳而
競發斷續相和低昂自怡攀荷則如鏡如梁扣舷則非琴
非筑座飛玉竿疑墮溟濛客吹洞簫若聞太息駿鳥未隱
織阿已升文禽囑人老魚留我過釣徒之館曲港三叉鳴
菱女之榔畫橋一桁於是擘筒選律刻羽移情各賦金荃
爭諧瓊管綠簑青笠斷句惺忪碧樹紅牆新聲窈眇石城
之側訝璇宮之降眞蘿渚之中留角巾之餘韻南國詞場
共傳逸事中吳妙士爲吮脩毫蓋秋泛圖成於嘉慶丁卯

之歲於今二十載矣夫賞心所寄偶領晤於山川古人有
言亦流連於魚鳥煙雲閱瞬陳迹都非金石不流游蹤安
繫秋水蘼葭之暮半屬黃蘆芳洲杜若之吟全消青鬢倘
使微波可託定許通辭卽令極浦忘歸孰能懷寤蘭丈之
視斯圖也亦將感盛游之難繼念曠覽之易睽湖光滿檻
怕焉憶舊之銘絮影裁箋聊作思歸之引翛然神往其在
斯乎履屐放志煙波嘔心蘧譜惜水仙之艇子未著雲卿
指洛浦之同舟曾師元禮謂楊蓉裳夫子淒涼絲竹愴逾十年翫
咏琴樽交親一脈飄流社燕聽黃蘆苦竹之歌蕭瑟秋蟲
廢紫陌花鈿之韻千里欲尋鷗夢應認盧家一編重印鴻

泥眷懷德祖

謂浣香

同深棖觸追溯蒼茫猥屬蕪文述茲雅

契問丹邱之弟子可識木蘭吟客之魂招白紵之詞人好
補紅豆相思之曲

鶴樓雅集圖記

夫層檻飛榦之聳必臨乎鴻濤永川之側古人所謂左江
右湖其樂無有也漸於沱厲於漢達於沅湘迨於彭蠡吳
楚之濱樓觀之美足以靚遁仙廓幽抱者殆以十計而黃
鶴樓爲最雄蓋其竦黥鄂渚扼影沔首俯湓流之壯揖大
別之隆萬櫓編貝億瓦萃鱗煙雲譎麗卉樹隱秀靈潮吐
納於其隈名都駢羅於其際曠悅變遷睫不給瞋若夫松
棟凝嵐芝栢疊彩霞棲粲杪星承欄乳絢翠璘霰髹彤炫
爍纏以陽馬之繁戛以相鳥之巧倚碧落之側景似赤城
之建標龍從博倣莫能方物載稽圖經謂昔有列真羽騎

來翔然則圓風縣圃之賓將以此爲別館也至於崔顥一
吟太白激賞而風流觴咏之勝又並萃於斯樓矣同年友
張君寄琴抗志靈表播穎辭宗雅韻邁於濠梁襟期蘊夫
山岳九疑之露濡其柔毫七澤之瀾激其異藻元度高情
自有濟勝之具敬宏朋侶喜爲人外之游嘗以秋日客於
武昌清籟旣永羈思轉深乃散帶杖策提箏命爵招引僑
蹤徜徉步履爰躋於鶴樓之巔憑虛矚遙暢睇四極芳醴
酬答朗詠嘹呼舉醕不盡振袂起舞醺酒東望以弔禰生
企南樓之故墟懷庾公之逸興指烏林之戍眺雞翅之峰
綺翰凌雲玉屑如雨洪崖浮邱中坐相間巴人郢客仰瞻

而訝或疑夫跨鶴之賓踰千載而來歸也隄靈非促景物
不殊而時與遇遷欣與感續迨南皮盛游已爲陳迹北服
擁旄徒存遐想羣慙之中塊然靜處迴思京臺之樂漳渠
之會契闊琴樽何嘗不眷漆園云造適不及笑正以言夫
情之易憤而適之難忘也今寄琴結綬清途服馬塵鞅征
公偃側容頭過身豈復有羣屐駘蕩之歡林阜自得之趣
哉余有驚麇之性而就檻猿之餌解蘭縛纓夙願斯違且
荆漢之邦五涉其埃登臨嘯歌愜焉如昨與寄琴今昔之
軌可謂同矣江上愁心白雲天渺展卷晤對百慮欲捐目
存乎尺素之內神超乎九垓之外旣蠶蟀以無薄聊援筆

而記之

趙甌北先生重赴鹿鳴圖序

蓋聞秀翹振穎枯菀殊時勁楚閩芳榮悴一致何則陽彩
陰條有偏植之氣春華秋實無錯美之英故士之握奇標
譽詮藝昭能莫不晞發軌於星衢望駢迹於雲漢而或荆
璞不剖郢歌莫揚韋布棲躬窮經終老者有之矣至於策
名青瑣之上結綬金馬之庭披翼灑翰跨眾陵匹則又感
軒輊於青途角遲迅於敷厯汨其心志擾擾華簪損其歲
年瑁瑁飛蓋有以位不副德才不逮時俯仰興嗟薄暮太
息乃思夫拔幟形闌掉鞅文晚譬之假道視若浮雲然後
知上第之階洊升而已渺達尊之表異數所獨鍾也甌北

先生契劬消緯降綜鴻符吐論含毫天下比之鐘瑄辭宗
學府衣冠以爲領袖蓋自綺齡而推甲觀皓髮而守元經
侍從承明之廬雍容建禮之闕入則銓衡俊雅出則膏化
林蒸架學寰區飛才甸域日車之首乃有武功斗壁之陽
聿聞詩教慕疏氏拂衣之志歸蔣生荒徑之居仰屋纂勤
閉關養素千里之外碩望重其晨星卅年之中閭邨尊爲
祭酒維時

昌寓醲和環瀛介福蒔輪錫采芝檢徵賢戶闕稽古之榮
野多王澤之壽霓旌則寵答幽耆鳩玉則惠殊前彥惟先
生以乾隆庚午之歲薦於鄉至嘉慶十五年而紀洽敦牂

運隆選士於是有重宴鹿鳴之盛舉焉

天子乃垂咨名耆恩禮儒臣車服顯庸饗幣增秩時則蕊
榜鸞開青袍鵠立主司遜席修後進之儀羣士陳牋獻靈
光之頌簪花非故如酬絳縣之年棘壘猶新疑見令威之
化不特昇平之僅事抑亦曠古之煒談也雖使史成著筆
已屬創聞儒生徵典莫踵前列此豈持羔雁之技者謂片
玉於崑山款閭闔之門者矜看花於日下所能媲影不啻
望塵先生賦紀事詩四章海內詩人爭屬和之公子廷俊
復繪以圖而列諸作於後丁丑之夏余與先生之孫孝廉
申嘉晤於京師命系之以序余以居連芳社道景高山根

矩游學反違通德之鄉文舉成童已愴典型之遠飢聆盛
美敢廢揄揚爰陳希世之床可襄志乘之闕雲垂蓬島拂
巾帶以如遙日掩箕躔合笙歌而不復竟陵先賢之象丹
采依然襄陽耆舊之篇風流誰嗣述斯榮遇益感前修矣

孫母倪孺人墓誌銘

會稽孫氏之節母曰倪孺人襲馥蕙林承華茗秀誦德象
於女師積淑問於素雅四典萃躬三顧成禮始笄之歲歸
於孫君貽謀璨珠玉之和勤絃誼之度尊鍾美其矩範威
姑悅其影響綢直如髮以儀君子端操有蹤聞於嫺姪姪
髦可截資樂羊之游學莞葭爲蓋娛萊子之高情婉嫵之
譽罔弗宣焉甫迨七稔遽丁幽酷傷芾莒之難療夢鵲鵲
以遽屯王融之命不延衛玠之才易折孺人誓殉泉塗身
薦棺梓粉書染扉靡笄在手而衰翁無馨膳之人藐孤有
抱線之命尊幼泣請爰然憬悟乃體逝者之志任家督之

責作誅而覆布被搢膺而束蒿簪於是奉匱以上堂撤瑱
以守闕織屨以佐餐斷蓑以誨學虔魚菽於松牖饜茶蓼
於棗室司晨驚其鳴杼鶚旦迓其懿筐鬻子之閔御窮之
瘁憂勤跪跪貞專精純積而愈崇艾而勿弛蓋其率禮奉
終劬心植穉性峻於秋霜之潔惠煦於春陽之和夙夜黽
勉逾三十年而後葦苕之祚固於磐石破巢之穀成其豐
羽令子有見而賢優論交諸孫競爽而簪裾益茂

特詔行表閭之典邑長修致膳之敬孺人之克常厥德再
造其家足以掩丹穴懷清之名續黃鵠悲歌之韻詩有之
曰未堪家多難予又集于蓼孺人膺之矣卒於嘉慶十年

十月三日年七十有四越五年窆於邑某鄉西河潭之源
明年又卜吉壤乃遷葬於徐家山麓子延臣等申慕罔極
欲報靡從繭胝經歲始奠幽居乃復引乞言之義揚懿行
之輝故海內賢士大夫多詠歌會稽孫節母之德善也惟
貞石之藏誌詞猶闕聿欽風烈乃爲之銘銘曰

剡江之濱爰毓獻臣卓哉倪公執節丕純郡有价宗貞媛
賁耀後先百禩匡植名教沈翳集霰懣悽永晦若燎在原
不熬寒灰昔爲女蘿今爲喬松葛藟是繫憂心忉忉口瘡
手痛仰俯俯哺耆終有歸祿息以樹母躬則槁母德克彰
煜煜綽楔爲邦家光桓釐行義厥宗乃熾誠敬勿渝孝思

不匿載哥載誅播於管絃繡黼旣詠彤史是編我聞古人
圖畫石室斯儀可象眾燉咸述幽夢之銘文如銑瑤壺彝
夔越匪此曷昭

潼陽唱和詩序

嘗聞夔牙之宏響振北里而不舒雅頌之微言歌南風而
亦競比室蘭蕙紉衣自馨蓋山絃歌夏泉赴節是以君子
悵索居之眇歎幸交功之有答則唱予和汝爲敬業之誦
我黻子佩昭同聲之諧至於憔悴江潭蕭條羈旅青樽十
日遠夢棱棱紅雁一叢天涯落落時與境其屢遷才因緒
而迭攬是則倘無辭製夙契曷伸不假陳箋奇懷易破若
吾友劉子鶴翥丹篆晨吞彩筆夕授戴憑奪席羣推經師
匡鼎登筵獨析名理簪佩寓於清才要腹副其雅範錢也
卅歲遊冀投紵識君入仲弓之座每獲端人慕叔子之誠

載敦友誼而君亦惠我暇日舊轍頻過清交若雲解筌獨
密因出其瀟陽唱和詩一卷蓋皆客中勝侶贈答之章也
班生之著作玳瑁爲裝謝氏之詠歌芙蓉比麗南金東箭
芬藻爭舒雪白蘭薰質輝相亞英軌所至篋有芳風德星
下翔墨橫奇彩可謂極文讌之留連擅騷壇之俊逸者矣
百鍊欲市心賞斯圖千里可循神往其地聆高尙之旣深
感此離之將久乃爲序之以爲展軸之弁言抗手而道故
云爾

爲金近園與朝鮮駙馬洪約軒書

約軒足下頃在吾友胡君素亭齋中獲觀名翰卽稔足下
珪璋之望人蔚國華金蘭之思遠敦交禮一再披覽歆慕
以深及與貴邦才士許君澹岩班荆論益投袂賞心每爲
僕言先生之風瓌筆微其光彩僊骨擅其風流雁山之北
明月舉懷嶠海以東卿雲在珮平陽第廣陳百笥之瓊籤
沁水園閑居三徑之珠履僕中原綴學弱歲披襟欲挹清
暉每思謫劣而貴邦李君絳茶尹君玉壺辱修遙契時錫
惠章雖無一晤之期已切三生之誼因思僕與先生幸同
聖世又沐懿芳獨不可先折訊以通耶且有澹岩素亭彼

此之合亦不可謂無介而求也古之人士見必以贊以書
代面致無所先敬呈某物奉邀雅塵幸賜寵存不宣

爲金近園答朝鮮進士尹玉壺書

尹公足下遐陬旣阻虛簪末由迴念羽儀徒勝勞伋扶桑
之浴里鼓異於交州天漢之墟軫石同於壺領比維東陸
日遲青陽風解君子多福攝衛維宜祐德在躬與時納豫
滄洲星露交冠冕之青峰環嶼山河動文章之華簡孟公
擅譽坐上驚人鄭莊豪情花間置驛翹企之願不任所懷
某材厠凡猥之流生幸皞熙之世昔年落下同賦停雲四
方交遊惠我遐日得以觀覽軌躅之盛優遊文史之場今
歲東國王人獻琛復以傾蓋獲挹名賢與許君叶契筌蹄
投分蘭蕙逾旬之中凡得三晤而許君於行篋出先生惠

書及投贈瓊物迺知下士之名久列籤記中州之遙辱蒙
存注瑤璧奮彩不遺硃硃駿驥馳空迴顧駑蹇筆端逸氣
攬雲霞而有聲墨左芳情蜚風雨而無節蒲桃一石偕來
塞雁之書玳瑁千箱驚瞬雕蟲之座昔季札結紵於鄭僑
徐陵答交於李那自古文人無間遐域至如眷戀虛譽吹
噓蓬姿未煩介通驟達重貺若先生之於僕者可謂罕矣
八垓九埏之廣百城重驛之杳白雲在天畢生謝其誦好
青鳥入室芳信苦於遲回心乎愛矣我勞如何敬因許君
爰復雅信爾音金玉猶希贈鯉之函嗟我懷人彌切鳴鶯
之頌書不罄懷但問爰繫

代胡素亭謝朝鮮進士方暉齋惠藥啟

某謹謝東使來辱惠良藥一裹桐君山下芳草棲人玉版
函中青精飼客探葛洪之肘繫遠療朋遊得孫氏之禁方
勤貽痼疾況北國醍醐親傳博學東醫寶鑑久泐奇書金
液研精明珠恥價僕才慙文園幸非消渴愁同公幹遂卧
漳濱每嗟丹竈之藏莫問青囊之秘今喜百丸入座春浮
二月之花九候調爐雲鎖三年之艾夙疾盡解慈母愛而
舒顏新術如神弱弟驚而起舞握謝無期感言莫罄

袁蘭村誄詞 并序

維道光九年二月河內縣知縣袁丈蘭村以疾卒於開封至七月方履錢始聞其訃驚咋悲怛乃於中元之辰設位而哭謹陳冽醕瓜脯之奠侑之以文其詞曰

九乾靈秘有穎有純君撮其標爲世俊人林下哲嗣夙播令聞朱霞白鶴軒軒出羣賈山逸才涉獵自喜嚼徵含商詞珍洛紙五版舒雲百函散綺噓枯吹生擘肌分理機警有鋒呖啁流速符彩所映士流驚矚縱情任達自忘檢束孝友肫行實勤且篤飲傾巨川聲若迅雷終朝溫克玉山不頽片言折獄飛翰逞才稟茲偉異世孰與儕野王名邑

臨以慈惠脂膏難潤謠詠爰萃豈期雅德遘屯中歲繇繇
委運遽言永逝我遊覃懷律應敦牂彼有寓公實惟侍郎
我方託迹坐啟鱣堂令君始至循譽丕揚劉尹褰帷頻造
元度酬言送難脫落羣務各珍氣類若披雲霧託心一旦
堅於歲暮君考圖經惜其舛訛授簡小生史籍是羅二秋
卒業益少哀多上達誦訓下資絃歌我謀遠行君增遐眷
橐筆安昌亦君之願馳逐傳車馬瘠僕怨時月相依有如
折券君性英邁嗔吝怒頑謔誚所加膚骨可刮我鈍而樸
轉免譏彈愿辭屢諍抵掌解顏傲予改爲緇衣是咏君之
於我百緇疊贈惠而勿驕人益生敬愛尙文義商推官政

維昔之夏我宦來閩割俸治裝君意尤勤舉觴相勸醉涕
濡巾豈知今別幽顯遂分尺訊未復離思未除省省北鴻
乃傳憚書琴牀何處旒帛皆虛欲聞晚遂併無酒壚沈鬱
生平知己實鮮懷施欲報衷情猶淺遽隔重泉辜此睇眄
捐膺摧哀畢生難遣清魂曠朗當念素交克嚮其誠千里
匪遙浮以甘瓜酌以醕醪丹淚盈掬以染靈輒哀哉

宮保尙書制府孫公錫壽恩榮記

聖朝膺籙百九十載，架園粲晏，植蟠熙洽，瓊暉璣運，鏡曜砥平，歲旅乎重光，覃安恭值。

皇上五旬萬壽之辰，泰祉萃於

黼辰，福嘏溶於

瑤階，羣生跂踵，臚歡香瑞，黃輿紫海，咸騰厥華。

皇上守盅持約，屏繁崇質，抑慶典而勿彰，啟茂科以選士，旣已酌允鑠肴，樂胥恢。

欽明之美，擢秀髦之穎，乃復

注嚮元臣。

疇咨耆耇喜容成之得竿契君奭之棐忱慶衍昌期遐播
天澤灑

宸翰以延齡

頒珍祕以曜彩此誠

一德納祐之徵千載希覩之遇惟我閩浙制府宮保公實
以駿烈瑰望荷斯寵榮於鑠哉酬庸之上儀可得而揚推
也蓋公秉黃中之德承素絲之風七世儒宗祇服休問九
奧藝林刊摘沈祕或春雲之豔藻儲冬潭之深識手策桃
杖而王儉傾矜友集蘭臺而任昉冠座自其勁翮初奮絕
塵未舉莫不欽爲衣被九州之才殺駁百家之學矣洎夫

翔步丹梯鼓髻碧漈煎鱗草於省中咏霓裳於天上宣臺
玉衡定張率之名譽奏議金馬褒平當之通明於是東堂
會送南郡敷猷夢象而守雄邦集鳳而旌異政弱翁之治
行聞於朝廷野王之高妙揚於薦牘乃晉身使綰筴政厯
憲府總藩條疊履巍階自恢風教僅彌十稔遂擁八騶

天子知方岳之需賢軫嶼民之舛望蹙移皖節仍撫閩疆
爰命作督以專厥成公銘此殊遇勵彼匪躬除三惑以澡
心宣六陽以煦物園橿設而度昭鉤距撤而聰達維娑娑
洋之外有修羅迦之地客仇易結獠性難馴昔頻扇亂震
驚戎師閭茂之春復兆邊釁公智運轉規令嚴立表眎滄

濤如戶限駕鯁渚以飛梁破暝捷於迅電振槁利於勁風
車及蒲胥方之爲滯兵若刺蜚用之如神柵鼓沸而鯨旅
樹領霜鋒照而梟徒厥角威聲旣暢協氣傍流畝有棲糧
海無鬪艦奏三月之績以奠百年之治忘一身之勞而拯
萬靈之命公之勲伐足以泐景鐘矣閩甌舊俗善訐好爭
飲章日騰推刃夙搆赤丸之探雖密黃沙之獄不疎惟公
止水勵平舉煙申枉正足以塞羣疑明足以摘姦伏周邵
陵之斷獄陰察稻芒李司隸之執豪親破合柱帷裳祛蔽
而殘墨免冠銜轡自緩而疆橫就格張弛和於琴瑟意指
肅於鈇鉞卑梁之壘遂泯爭桑之隙臨淮之市竟無訟絹

之誣養鸞鳳於枳林化鳴梟於樵實公之戢吏導民者莫
不懷其風愛矣然後下令於流水之源從欲如靡草之順
班條理務相法揆時蒲田木蘭陂之築則如傅祇之堰沈
菜也福州小西湖之濬則如鄧晨之興鵠卻也更其斥鹵
報以豐穰飯豆羹芋之謠不聞於東作甬雲渠雨之樂已
徧於南陬誨以樓犁之器飫之饋粥之傍功越岱嵩潤同
江海公之課績近古所罕觀也則又崇尚儒雅鎔鑄俊流
旌卓邁希有之才采鴻衍驚眾之議精廬式啟十郡承風
絲叢薺陳萬人箚錄容青袍之鵠立廣闕鎖廳分白屋之
朋頭重開棘院初副寒畯之望復搜志乘之遺嗟舊籍之

舛疎念誦訓之廢墜亟加修輯躬爲甄求秩隆三鉉而折
節於里閭之賢學窮七略而倒屣於方聞之士虛禮無待
於庭燎質疑爭趨於前席典章備舉幽微必昭公之樹風
聲者至此而罔不賅矣

國家歲漕南粟以給

中都輓粒偶腐廩支告歉公雖遐鎮海邦而遠猷辰告請
運臺陽之穀徑通析木之津飛艎十丈陽侯爲之鼓燒駛
浪萬尋商飆爲之振翼挾月未登委輸咸至天庾無關公
之功也夫尾閭有洩則渤澥不能盈垂條忽颺則木實不
能靜公知東南之浸易啟姦萌寰寓之安必消沴氣是以

焦思碩畫宵起晨勞孚仁澤於無垠曠景風於有截務使
蛟戶嬉歌於珠穴鯁人潛處於菰汀苛慝不聞嘉琛時獻
公之填撫一隅者德愈醕公之保障九服者功尤鉅也
聖天子實知公之盡誠足以倚畀公之勲業邁於等倫是
以恩燾載賁

微錫有加以公之深仁久濡於南溟也是用

賜公以錫羨巖疆之額欲公之安樂延祺也是用

賜公以

御書福壽二字諭公之澡練神明也是用

賜公以藏佛一尊念公之器服儉素也是用

賜公以珠黻錦黻之美喜公之博物辨名也是用

賜公以銅玉珍玩之奇而又

推錫類之恩

覃家寵之渥

特詔公次子兵部主事慧翼奉持

天誥省覲私廷丕顯休命若是之懿焜燿都邑冠冕當世
非我公之偉德孰克膺此而無忝哉昔桓氏之輜車乘馬
僅傳稽古之名顧生之塵尾素琴乃在謁歸之日卽晉文
公珪鬯之命王太傅几杖之頒亦銘伐之恆經或乞言之
令典直若

軒轡增祿於玉土方召戢穀於金湯經護此節通策延釐
懷肇敏之戎功賚箕疇於

同德求之青簡爲百代未有之榮宣於

彤庭得三壽作朋之慶操觚者爭摘其麗藻秉籥者各播
其和音糠粃小生輪椎薄植曳裾鈴閣之左效策華輪之
下欣瞻嘉會仰溯鴻謨亦思展其蟲篆之能褫其棘猴之
技援毫爲記侑竿以陳如咏徵招角招之章載晉

聖主賢臣之頌所以紀

熙代明良之盛不獨爲我公誌錫極之詳也

萬善花室文藁卷七終

跋

戊寅冬余至省垣人嘖嘖傳有以身殉夫者詢之爲方子謹妻子謹年僅三十而亡其妻趙縉以殉烈已余稔知子謹與晉卿交最契迨晤晉卿述其事甚悉并出其大父彥聞先生萬善花室文彙相示時同人方輯 畿輔叢書彥聞固大興人得之如獲拱璧是集爲永定人士所刊彥聞嘗爲其邑宰政通教興惠澤旁洽邑之人食其德因梓其書以寄甘棠之思觀於此生平之立身行政蓋可想見矣子謹名性讀書守家法攻訓詁專務實學訂史志例二十餘門能推

闢其大父志例諸篇所未及雖享年不永而室家貞烈增輝門祚有文集若干卷藏於家亦足繼是編並垂不朽也光緒七年仲春月定州王灝謹識